

Engaschi en il gaud da muntogna – La BCG ed il Project en favur dal gaud da muntogna creeschan 60 jobs da stad per giuvenils

Cuira, ils 6 d'avust 2015 – La Banca Chantunala Grischuna (BCG) ed il Project en favur dal gaud da muntogna creeschan durant las vacanzas da stad per la terza giada jobs raschunaivels e durabels per giuvenils. Cun lur engaschi durant in'emna prestan las giuvnas lavurantas ed ils giuvens lavurants da gaud ina contribuziun custavla per mantegnair il gaud da muntogna e pon il medem mument gudagnar in pèr raps.

Duas da las totalmain quatter emnas da project da quest onn, numnadamain quellas a Cuira ed a Cazas, èn gia stadas in success. Dapi il cumenzament da quest'emna lavuran ulteriurs 15 giuvenils en il reservat da gaud spezial Stretg a Laax. Sut surveglianza professiunala dals selviculturs dal Project en favur dal gaud da muntogna contribueschan ils giuvenils activamain al mantegnimient dal gaud da muntogna. Oz ha gi lieu il di da medias a Laax. Alexander Villiger, manader Persunal da la BCG, Martin Kreiliger, gestiunari dal Project en favur dal gaud da muntogna, Franz Gschwend, president communal da Laax, e Maurus Cavigelli, selvicultur da revier, han raquintà al lieu davart il project da stad comunabel.

La BCG s'engascha per ils giuvenils ed il gaud da muntogna

Cun ses engaschi pussibilitescha la BCG a giuvenils per la terza giada in'emna da project raschunaivla e pajada durant las vacanzas da stad. Uschia gida la banca a tgirar e mantegnair il gaud da muntogna sco refugi ed abitadi indispensabel. «Cun il project da stad da la BCG rinforzain nus la colliaziun cun il chantun Grischun e prestain ina contribuziun durabla en la regiun respectiva. A medem temp purschain nus als giuvenils jobs da vacanzas raschunaivels e pajads», declera Alexander Villiger la motivaziun da la banca. Sco gia l'onn passà ha il project chattà gronda accoglientscha era quest onn. Var 140 giuvenils èn s'annunziads tar la BCG. Las 60 plazzas èn stadas occupadas en curt temp.

In engaschi per ina buna chaussa ed impressiuns che restan

Las participantas ed ils participants prestan in'impurtanta contribuziun per mantegnair las funcziuns multifaras dal gaud da muntogna, conform a l'intent da la Fundaziun Project en favur dal gaud da muntogna a Trin. Senza in gaud da muntogna saun fiss il privel da lavinas, crudadas da crappa, erosiuns ed auas grondas bler pli grond. «Igl è impressiunant da vesair ch'ils giuvenils ch'èn uschiglio oravant tut durant il temp liber en la natira vegnan a savair tras quest program tge impurtanza ch'il gaud da muntogna ha e tge ch'els sezs pon effectuar», di Martin Kreiliger, gestiunari dal Project en favur dal gaud da muntogna, durant ina visita al lieu. Ils projects da stad da la BCG e dal Project en favur dal gaud da muntogna da quest onn van a fin cun l'engaschi a Claustra l'emna proxima.

Vossas dumondas respunda gugent:alexander.villiger@gkb.ch

Manader persunal | +41 81 256 99 84

Il sector Marketing & communicaziun As gida gugent a cuntanscher il pli svelt pussaivel Vossas personas da contact:As drizzai a thom.mueller@gkb.ch | +41 81 256 83 11.**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universala moderna – per personas privatas, l'economia ed il maun public. La banca occupa l'053 collavuraturas e collavuratur (stadi dals 30-06-2015). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 22,696 milliardas in gudogn brut consolidà da CHF 98,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2015:	12 da favrer 2016
Radunanza dals participants:	19 da mars 2016

Il Project en favur dal guaud da muntogna

Il Project en favur dal guaud da muntogna è ina fundaziun d'utilità publica cun sedia a Trin (GR) che realisescha engaschaments da lavur cun laics forestals en il guaud da muntogna. Il project ha l'intent da promover il mantegniment, la tgira e la protecziun dal guaud e da la cuntrada cultivada en la regiun da muntogna. E quai surtut cun lavurs da tgira e sanaziun en engaschaments da lavur e cun promover la chapientscha da la publicità per l'impurtanza dal guaud. La lavur da la Fundaziun Project en favur dal guaud da muntogna vegn pussibilitada tras donaziuns, legats, contribuziuns d'organisaziuns partenarias e possessurs da guaud.

www.bergwaldprojekt.org